



Маҳалла

ШАНБА

2014 йил 27 сентябрь,
№81 (1048)

www.mahallagzt.uz info@mahallagzt.uz

Ўзбекистон Республикаси Президентининг қарори

ҚУРБОН ҲАЙИТИНИ НИШОНЛАШ ТЎҒРИСИДА

Муборак Қурбон ҳайитининг халқимиз маънавий ҳаётидаги ўрни ва аҳамиятини эътиборга олиб, миллий-диний қадриятларимизни сақлаш ва улуғлаш мақсадида ҳамда Ўзбекистон Республикаси Президентининг «Диний байрам — Қурбон ҳайитини дам олиш кунини деб эълон қилиш ҳақида»ги 1991 йил 20 июндаги ПФ-221-сон Фармонида мувофиқ:

1. Ўзбекистон мусулмонлари идорасининг жорий йилда Қурбон ҳайитининг биринчи кунини 4 октябрь шанба кунига тўғри келиши ҳақидаги мурожаатини инобатга олиб, 2014 йил 4 октябрь дам олиш кунини деб белги-

лансин ва мамлакатимизда байрам сифатида кенг нишонлансин.

2. Республика «Нуроний», «Маҳалла» жамғармалари ва бошқа барча мутасадди идора, жамоат ташкилотлари Қурбон ҳайитининг жойларда тартибли ва юқори даражада, халқимизнинг миллий қадриятларига мос равишда ўтиши учун тегишли тadbирларни амалга оширсин.

3. Ўзбекистон Миллий телерадиокомпанияси, Ўзбекистон Миллий ахборот агентлиги ва бошқа оммавий ахборот воситаларига Қурбон ҳайитини нишонлаш билан боғлиқ тadbирларни кенг ёритиш тавсия этилсин.

Ўзбекистон Республикаси Президенти

И. КАРИМОВ

Тошкент шаҳри,
2014 йил 26 сентябрь

КУЧЛИ ДАВЛАТДАН — КУЧЛИ ФУҚАРОЛИК ЖАМИЯТИ САРИ

Урф-одат ва анъаналар бири бирига уйғун

Миллий истиқлол гоёси мамлакатимизда яшаётган ҳар бир миллат ва элат вакилининг истезодини, салоҳиятини тўла рўёбга чиқариш, уларни юрт тинчлиги, халқ фаровонлиги ва Ватан тараққиётига ҳисса қўшишдек эзгу мақсад атрофида жишлантиришга хизмат қилаётган.

■ Тошўлат ҲАЙИТБОВ «Mahalla»

Бугунги кунда Сирдарёда яшаётган 70 дан зиёд турли миллат ва элат вакиллари ахил-иноқлигини таъминлашда Фуқароларнинг ўзини ўзи бошқариш органлари фаолиятини мувофиқлаштириш бўйича Сирдарё вилояти ҳудудий Кенгаши томонидан фуқаролар йиғинларига услубий, амалий жиҳатдан кўмак берилмоқда. Айниқса, Кенгаш томонидан ташкил этилаётган «Ватан ягонадир, Ватан биттадир», «Ўзбекистон — умумий уйимиз» мавзуларида дўстлик фестиваллари ўзаро ахиллик ва оқсоғишликни таъминлашда асосиятти.

— Туманимизда ўзбеклар билан бирга, рус, татар, озарбайжон, корей ва бошқа миллат вакиллари яшайди, — дейди «Маҳалла» хайрия жамоат фонди Сирдарё тумани бўлини раиси Алим Туропов. — Маҳаллаларда ўтказилаётган маънавий-маърифий тadbир-

ларда миллатлараро тотувликни тарғиб қиламиз. Шунингдек, йиғинларда кичик бизнес ва хусусий тadbиркорликни кенг йўлга қўйган турли миллат вакиллари фаолиятини бошқаларга ўрнак қилиб кўрсатамиз. Мисол учун, юнон миллатига мансуб Каҳримон Дарцези, татар кизи Наиля Камалова, корейс ўғлини Михаил Ли каби фуқаролар ўз бизнесларини йўлга қўйиб, бандликни таъминлашга ҳисса қўшишмоқда.

> [2]



ИЖТИМОЙ ШЕРИКЛИК

Жўшқин ҳаёт нафасидан барча баҳраманд



Бугун республикамизнинг барча шаҳар ва туманлар марказлари қатори қадим ва ҳамшира навқирон Асака шаҳри қиёфаси ҳам таниб бўлма даражада ўзгарди. Кенг ва раво йўллари, замонавий бинолар, хилма-хил автоуловлар, энг муҳими, одамларнинг дунёқарашини ва тафаккурини дағи эъришлар жўшқин ҳаёт нафасидан далолат.

■ А. АБДУЛЛАЕВ «Mahalla»

— Биздаги бунёдкорлик ишларининг барчаси ўзаро ахил-иноқлигимиз, кўлни қўлга бериб, елкама-елка туриб муштарак мақсадларни рўёбга чиқараётганимиз ҳосиласидир, — дейди «Маҳалла» хайрия жамоат фонди Асака тумани бўлини раиси Муқаддасхон Қурбонова.

Дарҳақиқат, Ўзбекистон Республикаси Президентининг 2010 йил 18 июндаги «Ан-

дихон вилоятидаги тураржой массивлари учун 2011-2015 йилларда коммунал инфраструктурасини янада ривожлантириш тadbирлари тўғрисида»ги қарориди белгиланган вазибаларни амалга оширишда давлат ташкилотлари ходимлари билан бирга нодавлат нотижорат ташкилотлар ҳамда фуқароларнинг ўзини ўзи бошқариш органлари фаоллари астойдил меҳнат қилмоқда.

> [3]

«МАҲАЛЛАМИЗ ПАҲЛАВОНЛАРИ»



Ҳалоллик, бағрикенглик ва мардлик баҳси

Азалдан ўзбек ўғлонининг мардлиги майдонда синалган. Мардлик синовининг тури қўп. Аммо улар орасида кураш энг оммабон ва чиннакам паҳлавонлар баҳси, халқимизнинг орзу-мақсади, аъналарини ифодалаган қадрият сифатида эъозланади. Шу бонс мамлакатимизда кураш ва бошқа спорт турларини ривожлантиришга алоҳида эътибор қаратилмоқда.

■ Моҳичехра ЛАТИПОВА «Mahalla»

Бундай эзгу савий-ҳаракатлар самараси ўларок, курашчиларимиз жаҳон ареналарида юртимиз шарафини муносиб ҳимоя қилмоқда. Эътиборлиси, ўзбек кураши халқаро спорт тури даражасига кўтарилиб, унга

қизиқиш йилдан-йилга ортаёттир.

Юртбошимиз 2013 йил 15 март кунини Ўзбекистон Болалар спортини ривожлантириш жамғармаси Ҳомийлик кенгашининг мажлисидаги маърузасида таъкидлаганидек, сўнгги ўн йилда 14 ёшгача бўлган ўғил болалар ўртасида ўртача вазн кўрсатки-

чи 43 килограммдан 47 килограммга, қизлар ўртасида эса 44 килограммдан 48 килограммга ортган. Болаларнинг бўйи эса ўғил болалар ўртасида ўртача 3 сантиметрга, қиз болалар ўртасида эса 2,9 сантиметрга ўсгани аниқланган. Ҳозирги вақтда 92 фоиз ўғил-қизларимизнинг вазни ва бўйига доир кўрсаткичлари Жаҳон соғлиқни сақлаш ташкилоти стандартларига тўла мос келиши қувонарли.

Ёшлар ўртасида бундай кўрсаткичларга эришиш, уларнинг жисмонан бақувват, метин иродали бўлиб вояга етишида «Ма-

ҳалла» хайрия жамоат фонди республика бошқаруви, Маданият ва спорт ишлари вазирлиги, Ўзбекистон Касаба уюшмалари Федерацияси кенгаши, Кураш федерацияси ҳамда қатор ҳамкор ташкилотлар иштирокида ўтказиб келинаётган аънавий «Маҳалла» хайрия жамоат фонди «Жар» турнири муҳим аҳамият касб этмоқда.

Тошкент шаҳридаги «Жар» спорт мажмуасида ҳалоллик, бағрикенглик, инсонпарварлик фазиалларини ўсида мужассам этган ушбу мусобақанинг республика босқичи ўтказилди. > [4]

1 ОКТАБРЬ — ЎҚИТУВЧИ ВА МУРАББИЙЛАР КУНИ

Мақсадимиз — юксак билимли ва интеллектуал ривожланган авлодни тарбиялаш

Кимё — жуда қадимги ва айни пайтда тараққиёт учун тобора муҳим аҳамият касб этиб бораётган, қизиқарли фанлардан. Аждодларимиз — улуг алломалар бу фан ривожига беқийс ҳисса қўшганлар, илмий кашфиётлар қилиб рудалардан металларни ажратиб олишни, қотишмалар, шийа, бўёқ тайёрлашни, олтин ва кумушдан фойдаланишни йўлга қўйишган.

■ Нигора БОБОЕВА, Самарқанд вилояти Нарпай тумани 64-умумтаълим мактабин кимё фани ўқитувчиси, Ўзбекистон Республикасида хизмат кўрсатган халқ таълими ходими.

Кимёвий элементлар ва уларнинг ҳосилларини пухта ўрганиш, илмий изланишлар олиб бориш мамлакат иқтисодий ҳаётини янада ривожлантиришга асос бўлади.

Кайд этиш ўринлики, мамлакатимизда таълим соҳасига қаратилган эътибор тўғрисида мактабларда кимё фанини ўқитиш усул-

лари ҳам тубдан ўзгарди. Бугуннинг ўқувчи-ёшлари энг замонавий лаборатория хоналарида бу фан сирларини ўрганаёттир.

Мен Нарпай туманидаги 64-умумтаълим мактабида 22 йилдан буён кимё фанидан сабоқ бериб келаман. Утган давр мобайнида юртимизда таълим соҳасини тубдан ислоҳ этиш, са-



марали миллий моделни шакллантириш, ҳар томонлама соғлом ва баркамол авлодни тарбиялаш бўйича амалга оширилган кенг қўламли ишлар, эришилган ютуқларнинг гувоҳи, таъбир жоиз бўлса, иштирокчисиман. Қадрлар тайёрлаш миллий дастури мамлакатимизда янги

жамият қуришнинг босқичма-босқич ва тadbрижий ривожланиш таъминлиги асосланган иқтисодий ва сиёсий ислохотларнинг ажралмас таркибий қисми эканини ва у тухфа ээтаётган ҳаётбахш натижаларни ифтихор билан эътироф этаман.

> [4]

ОСОЙИШТАЛИК ПОСБОНЛАРИ

Масъулиятли вазифада огоҳлик ва ҳушёрлик бирдек зарур

Тинчликка, маънавий покликка интилиш, мазмунли умр кечирish ҳар бир инсонга хос истак. Юртимиздаги осудалик, маъмур ҳаёт кўпчилигининг ҳавасини келтираётгани рост. Зотан, бугунги кунда халққаро вазиятнинг шиддат билан ўзгариб бораётгани, давлатлараро зиддиятлар кучайиб, кескинликнинг ортаётгани, ер юзининг турли нуқталарида янгидан-янги низо ўчоқларининг пайдо бўлаётгани жаҳон жамоатчилигини жиддий ташвишга солиб, катта хавотир уйғотмоқда.

■ Ю. ҲОЖИЕВА «Mahalla»

Ана шундай таҳликали вазиятда давлатимиз раҳбарининг ҳамшира огоҳ ва ҳушёр бўлиб яшашимиз, ўз уйимизни, муқаддас тупроғи-

га интилиши, дунёга уйғоқ қалб, теран тафаккур кўзи билан боқиб, ҳаққоний ҳулосалар чиқармоғи даркор.

Таъкидлаш жоизки, мамлакатимизда маҳалла институтининг нуфузи ортиб, ҳуқуқ ва ваколатларининг тобора кенгайтирилгани зами-нида ана шу бебаҳо омил — тинчлик ва осойишталикни асраб-авайлаш, маънавий муҳит барқарорлигини таъминлаш, миллатлараро ҳамжиҳатлик ва динлараро бағрикенглик тамойилларини асраб-авайлашдек эзгу мақсадлар мужассам.

Фуқароларнинг ўзини ўзи бошқариш органлари қоши-

да «Маҳалла тусбони» жамоатчилик тузилмасининг ташкил этилгани тинчликпарвар сиёсатнинг узвий давомидир. Фуқаролик жамиятини шакллантиришда аҳоли фаоллигини ва ўзаро ҳамжиҳатлигини ошириш, кишиларнинг жамоат тартиби ва ҳавфсизлигини таъминлаш, жиноятчиликка қарши кураш ва ҳуқуқбузарликларнинг олдини олишдаги иштирокини янада такомиллаштириш мақсадларини кўзлаган мазкур тузилма ўз Низомига ҳамда аниқ фаолият йўналишига эга.

> [2]

РАИС СЎЗ СЎРАЙДИ

Ободлик ва кўркамлик ҳамжиҳатликдан



< [1]

Айни пайтда фаоллар кўмагида худуддаги фермер хўжаликлари раҳбарлари ва деҳқонлар кам таъминланган оилаларга ёрдам бериб, уларни қўллаб-қувватламоқда. Хусусан, фермер Тўхта Эшимов 10 нафар кам таъминланган оила фарзандларининг хатна тўйини ўтказиб берди. Яқинда «Ойнакўл» маҳалла фуқаролар йиғинидаги «Ривож-Р» хусусий корхонаси раҳбари Хуррам Омонов гишт ишлаб чиқариш корхонаси фаолиятини йўлга қўйди. Натижада маҳаллалардаги 45 нафар фуқаронинг бандлиги таъминланди. Уларнинг 20 нафари коллеж битирувчиси.

Ишбилармон фермерлардан яна бири Алишер Шерматов тез орада тўқимачилик корхонасини ишга тушириш арафасида. Мазкур корхона иш бошласа, 150 нафар фуқаро фойдали меҳнатга жалб этилади. Шунингдек, маҳалла аҳли орасида ўз томоқларидега иссиқхона барпо этиб, лимон етиштиришнинг ҳадисини ол-

ганлар талайгина. Гулчеҳра Ҳамзаева бўш ётган 8 сотих ерда помидор ва бодринг етиштираётди. Фуқаролар йиғини ободлигига алоҳида эътибор қаратамиз. Шу боис фаоллар ва ҳомийлар билан келишган ҳолда худудимиздаги «Ойнакўл» маҳалла фуқаролар йиғинининг 4 километр йўлини таъмирлади. Сауртепадаги 1 километр, Зармакўрғон шаҳарча фуқаролар йиғинидаги 1,5 километр ички кўчаларга асфальт ётқиздик.

«Қорарик» маҳалласидаги фаоллар ва тадбиркорлар ёрдамида 10 километр ички кўчаларга тош тўкиб, аҳоли учун қулай шарт-шароит яратдик. Бундан ташқари, худуддаги 6 та маҳалла фуқаролар йиғинидаги 100 та хонадонга суюлтирилган газ баллонларини етказиб бердик. Бу каби қулайликлардан аҳоли мамнун.

Маҳалламиз аҳли очикўнглик, содда, аммо гурури, ориятли баланд эл. Ҳар бир ишни ҳамжиҳатликда бажариш кундалик юмушимизга айланган. Шу боис бугун йиғинимиз обод, аҳолигимиз турмуши фаровон.

Камтарона хизматларим давлатимиз томонидан юксак қадрланди. Муқтадиримизнинг 23 йиллиги арафасида Президентимизнинг фармонига биноан «Фидокорона хизматлари учун» ордени билан тақдирландим. Бу эътибор худудимизда ижтимоий-маънавий муҳит барқарорлигини таъминлаш, соғлом турмуш тарзини шакллантириш, ёшларимиз онгига салбий таъсир кўрсатадиган иллатларнинг олдини олиш борасидаги хайрли ишларга муносиб ҳисса қўшимда қанот бағишлайди.



МАҲАЛЛАДА САНОАТ

Ташаббус — муваффақиятлар омили

Нукус шаҳри Аллания Қахрамон номидаги маҳаллада ишлаб чиқаришнинг турли йўналишларида фаолият юритиб, оиласи фаровонлигини ошириш баробарида худуд иқтисодиётини ривожлантириш, аҳоли, айниқса, ёшлар бандлигини таъминлашга муносиб ҳисса қўшаётган тадбиркорлар талайгина.

О. ЕСБЕРГЕНОВ «Mahalla»

Фарзандларининг меҳрибон онаси, тадбиркорликда ташаббускор аёл, маҳаллада эса жонкуяр йиғин фаоли сифатида барчага ибрат бўлаётган Паруаз Ережепова улардан бири.



Мамакатимизда қарор топган ишбилармонлик муҳити ва бу соҳада яратилган қулай шарт-шароитлардан фойдаланган Паруаз 2011 йилда йиғин фаоллари кўмагида «Зар Дил Дилбар» масъулияти чекланган жамиятини ташкил қилиб, 2 нафар ёшни меҳнатга жалб этди. Худуддаги ишлаб чиқариш корхоналарига буюртма асосида иш кийимлар тайёрлаб бериш йўлга қўйилди.

2012 йилда тадбиркор корхона фаолиятини кенгайтириш мақсадида банкнинг 15 млн. сўмлик кредити ҳисобига 6 та замонавий тикув машинаси

ИЖТИМОЙ ШЕРИКЛИК

Жўшқин ҳаёт нафасидан барча баҳраманд

< [1]

Асака туманини ижтимоий-иқтисодий ривожлантириш чора-тадбирлари дастури доирасида жорий йилнинг ўтган даври мобайнида шаҳар марказидаги Умид кўчаси реконструкция қилинди. Йўл кенгайтирилиб, четларида тунги ёриткичлар ўрнатилди. «Кирвош» маҳалласи ҳамда Умид кўчалари асфальтланиб, оқова сув тизими марказий тармоққа уланди.

Муқимий номидаги маҳалла идорасида хатто фуқароларни қабул қилиш учун етарли шароит йўқ эди. Соғлом бола йилида «Ягона Асака қурилиш хизмати» корхонаси томонидан қад ростлаётган маҳалла идораси қурилишига 15 миллион сўмлик маблағ сарфланди.

Нодавлат нотижорат ташкилотлари ва ҳомийлар ижтимоий шериклик асосида фуқароларнинг ўзини ўзи бошқариш органи идораларидаги шарт-шароитни яхшилаш бўйича ўзаро ҳамкорлик тадбирларини имзолади. Тадбиркор Ҳабибулло Мамазулов Мирзо Улуғбек номидаги маҳалла биносини таъмирлаш учун 5,5 миллион сўм маблағ ажратди. «Маҳалла» хайрия жамоат фонди вилоят бўлими ташаббусини қўллаб-қувватлаб, 10 миллион сўм, шунингдек, ижтимоий шериклар «Дўстлик» маҳалла фуқаролар йиғини биносини қайта қуриш мақсадида 13 миллион сўм ҳомийлик ёрдамларини йўналтирди.

Тадбиркорлар ва нодавлат ташкилотлар кўмагида «Ўзбекистон», «Озод», «Қашкар», «Деватаги» маҳаллалари бинолари қайта қуриб олинди. Эътиборга молик томони, туман хотин-қизлар кўмитаси, «Нуроний» жамғармаси туман



бўлими, «Камолот» ЁИҲ ҳамда «Маҳалла» хайрия жамоат фонди туман бўлимига ижобий ҳал этиляпти. Умид кўчасидаги 2 та кўп қаватли уйнинг томига металл черепица қопланди. Амир Темир номидаги ҳамда «Қадрият» маҳаллаларидаги кўп қаватли уйлarning томи таъмирланяпти. Йўлларга темир эшиклар ўрнатиляпти. Иситиш тизимини тубдан яхшилаш мақсадида янги қозонхона олиб келинди.

Туманда «Камолот» ёшлар уйини барпо этиш ишлари «And kontrukcion» масъулияти чекланган жамияти томо-

нидан бажарилаётган бўлса-да, уларга жамоат ташкилотлари яқиндан ёрдам берапти. Айниқса, банклар томонидан кредит маблағларини расмийлаштириш, уларни ўз вақтида ташкилот ҳисобига ўтказишда ижтимоий шериклик механизми асқотяпти. Шу боис ҳозирга қадар бу объектда салкам бир миллиард сўм сармоя ўзлаштирилди.

Яқинда туман марказидаги қаровсиз боғ реконструкция қилиниб, фойдаланишга топширилди. Боғга нодавлат нотижорат ташкилотлари ва тадбиркорлар кўмагида 26 та аттракцион олиб келинди. Дам олиш масканидаги 2 та футбол майдончаси, амфи-театр, ўндан зиёд тамаддиҳона, ямояшил хиёбонлар бугунги кунда асакаликлар ва меҳмонларнинг сеvimли гўшасига айланди.

ҲУНАРДАН УНАР

Бобомерос касбга садоқат

Халқимиз қадимдан рўзғор буюми сифатида уй аяққорлик, кийим-кечак, зеб-зийнатларни сақлашда сандикдан фойдаланиб келади. Айниқса, сандик келинлар сепининг кўрки саналган.

Ашурали БОЙМУРОД «Mahalla»

Шу йил ўзбек хонадонидега қиз фарзанд дунёга келган, момолар яхши ният, орзу-хавас билан кизалоққа сандик атаб, унга сарпо йиғишди.

Сандикозлик — миллий ҳунармандчиликнинг бир тури. Бошқа йўналишлар каби сандикозликнинг ҳам ўзига хос тарихи, ясалши усуллари бор. Бугун уста-ҳунармандлар мазкур амалий санъат аънаваларини замонавийлаштириб, уни ёш авлодга ўргатиб келаётди.

Тошкент вилояти Бекобод туманидаги Жумабозор киш-

лоқ фуқаролар йиғинида яшовчи Ортиқбой Сотиболдиев ана шундай усталар сирасида.

— Сандикозлик бизга бобомерос касб, — дейди уста. — Болалигимдан шу ҳунарга меҳр қўйдим, сирларини кунт билан ўргандим. Айни пайтда фарзандларим



ЛОЙИҲА

Корхона фаолиятини кенгайтирди

Самарқанд вилояти Қўшработ туманидаги «Саксончел» маҳалла фуқаролар йиғинида фаолият юритаётган «Қўшработ қурилиш таъмир» масъулияти чекланган жамиятида пишиқ вишт ишлаб чиқариш ҳажминини ошириш мақсадида 400 миллион сўмлик лойиҳа амалга оширилди.



Абдулазиз ЙЎЛДОШЕВ.

22 камерали замонавий ҳумдон тез орада самара бера бошлади. Жумладан, аввал 30 минг дона гишт тайёрлаш учун 10 тонна кўмир сарфланган бўлса, энди 3,5 тонна кўмир kiffoя.

Гишт ишлаб чиқаришга сарфланганидан вақт эса беш бараварга қисқарди. Шунингдек, корхонада гишт олиш жараёни ҳам осонлашди. Натижада аввал бир ойда 300 минг дона гишт ишлаб чиқарилган бўлса, ҳозир бу кўрсаткич бир миллион 200 минг донага етди. Муқими, яратилган йигирмата янги иш ўрнида маҳалла ёшлари меҳнат билан банд.

АҲОЛИ БАНДЛИГИ

Яхши ишнинг салмоғи яхши билан ортади

Самарқанд вилояти Жомбой туманидаги «Ғазира» маҳалла фуқаролар йиғининдан Инобат Йўлдошева фарзанд тарбияси, рўзгор юмушларидан ажралмаган ҳолда она-сига қўшимча даромад топиш мақсадида иш сўраб йиғинга мурожаат қилди.

Зебинисо ХАЙИТОВА «Mahalla»

Фаоллар кўмагида у касаначи тадбиркор сифатида тикувчилик тармоғини йўлга қўйган Марзия Сатторовага шогирд тушди. Бир ой мобайнида хунар ўрганиб, касаначилар қаторида иш бошлади. Дарҳақиқат, худуд иқтисодиётини ривожлантириш, фуқароларни тадбиркорликка кенг жалб этиш ҳамда аҳоли бандлигини таъминлаш масаласига алоҳида эътибор қаратилаётган мазкур йиғинда бундай хайрли ишларнинг салмоғи кун сайин ортиб бораётди.

— Мамакатимизда кичик бизнес ва оилавий тадбиркорлик, касаначиликни қўллаб-қувватлашнинг мустаҳкам ҳўкуқий асоси яратилган, — дейди йиғин раиси Баҳодир Узоқов. — Бугун худудимизда ишлаб чиқаришнинг турли йўналишларида фаолият бошлаган 15 нафардан зиёд фуқаро оиласи бюджетига қўшимча даромад олиб кириши билан бирга, аҳоли бандлигини таъминлашга ҳам ўз ҳиссасини қўшмоқда. Бу борадаги ишларда йиғиннинг Тадбиркорлик фаолияти ва оилавий бизнесни ривожлантириш масалалари бўйича комиссияси ҳамда «Маслаҳат маркази» аъзоларининг йўл-йўриқлари кўп келаётди.

Шокир Раҳмонов яқинда фаоллар кўмаги ва банкнинг имтиёзли кредити эвазига суғни қайта ишлаш ҳечини ишга тушириб, 5 нафар маҳалладошини меҳнатга жалб қилди. Тадбиркорлик субъектининг очилиши қишлоқ аҳли учун қувончли воқеа бўлди. Эндилик-

да ҳар томонидан маҳаллий аҳоли хонадонларидан шартнома асосида сут сотиб олиниб, яхшигина ҳақ тўланмоқда.

Хусниддин Ҳамидов банкдан ажратилган 100 млн. сўм кредит ҳисобига «Жомбой гишт сервис» масъулияти чекланган жамиятини барпо этди. Натижада 2 нафар оила азосидан ташқари яна 5 нафар ёшни ишли қилди.

Тамара Сатторова ҳамда Лола Рўзиева маҳалла худудидан савдо дўкони очиб, аҳолига сифатли ва арзон наҳрларда маҳсулот етказиб бермоқда. Чеварликда ном қозongan Сурайё Ҳақбердиева эса яқка тартибдаги тадбиркор сифатида фаолият бошлаб, айни пайтда ўн нафардан зиёд қизга чеварликдан сабоқ бериб келаётди.

Кувонгарлиси, тадбиркорларнинг фаоллар билан бамаслаҳат, ҳамжиҳатликдаги ҳамкорлиги бандлик масаласини ҳал қилишда муҳим омили бўлмоқда.

Бундан ташқари, аҳолини, айниқса, ёшларни қизиқиши ва мутахассислиги бўйича ишга жойлаштириш мақсадида фаоллар томонидан маҳалладаги вақтинча ишсизлар аниқланиб, уларга бўш иш ўринлари рўйхати тақдим этиляпти. Қолаверса, фуқароларнинг янги иш ўринларидан хабардорлигини ошириш мақсадида «Маҳалла» хайрия жамоат фонди туман бўлимига, туман бандликка кўмаклашиш ва аҳолини ижтимоий муҳофазат қилиш маркази ҳамда хотин-қизлар кўмитаси ҳамкорлигида «Ғазира» маҳалласида бўш иш ўринлари ярамқалари, очик эшиклар куни тадбирлари ташкиллаштирилмоқда.

ОЛОВ — ТИЛСИЗ ЁВ

Ноқонуний қурилма ноқулайлик туғдиради

Эътиборсизлик ва лоқайдлик оқибатида содир бўладиган ёнғинлар одамлар саломатлиги ва ҳаётига таҳдид солиш баробарида моддий зарар ҳам етказиши мумкин. Алангага қарши химоя чораларини кўришда, айниқса, қуз-қиз мавсуми долзарб аҳамият касб этади. Чунки айни шу мавсумда иситиш ускуналарида нотўғри фойдаланиш, ёнғин хавфсизлиги қоидаларига риоя қилмаслик туфайли кўнгилсиз ҳолатлар учрайди.

Анвар МУРОДБАКИЕВ,

Сергели тумани ички ишлар бошқармаси ёнғин хавфсизлиги бўлими инспектори, кичик сержант.

Соҳага доир ҳўкуқий муносабатларни тартибга солуви «Ёнғин хавфсизлиги тўғрисида»ги қонун ижросини таъминлаш мақсадида Сергели тумани ички ишлар бошқармаси ёнғин хавфсизлиги бўлими томонидан аҳолининг огоҳлиги ва ҳўшёрлигини ошириш, турар-жойлар, халқ хўжалиги иншоотларида ёнғин қиличининг олдини олиш мақсадида амалга оширилаётган сўй-ҳаракатлар ўз самарасини берапти. Чунки, аҳолига ёнғин хавфсизлиги қоидаларига риоя қилиш, носоз газ ва электр иситиш воситаларидан фойдаланмаслик ҳамда болаларни қаровсиз қолдирмаслик тўғрисида тушунча ва тавсиялар берилмоқда. Мазкур тадбирларни ушўқоқлик билан ўтказишда фуқароларнинг ўзини ўзи бошқариш органилари кўмаги кўп келаётди. «Ёнғин хавфсизлиги тўғрисида»ги қонуннинг 2-боб, 9-моддасида фуқароларнинг ўзини ўзи бошқариш органилари кўнгилли ёнғиндан сақлаш хизматининг ташкил этилишига ва ёнғин хавфсизлиги назоратини амалга оширишга кўмаклашиши белгилаб қўйилган.

Қуридаларига зид ҳолда газ ва электр тармоқларидан, носоз қўлбола техник қурилмалардан фойдаланиш ҳолатларини бартараф этишмоқда.

Айрим маҳалла худудларида аҳоли томонидан ноқонуний тарзда бино ва иншоотлар, гаражлар, омборхоналар қурилган. Баъзи кўча ва кўп қаватли уйлар ёнғин ўзбошимчилик билан томига қурилган ташкил этиб, атрофига тўсиқлар ўрнатиш ҳолатлари кузатиляпти. Бу эса фавқулодда вазиятлар чоғида ўт ўчириш автоуловларининг воқеа жойига вақтида етиб бориши ҳамда аҳолини кўтқаришда қийинчиликлар туғдириши, ёнғин кўламининг кенгайиб кетишига сабаб бўлади. Ўтказилаётган тадбирларда ёнғинни ўчиришга тўсқинлик қилувчи барча ҳолатлар бартараф этилиши лозимлиги таъкидланмоқда. Қолаверса, бундай ноқонуний қурилмаларни барпо этилган фуқароларга қонунда белгиланган тартибда чоралар кўрилмоқда.

Кўп ҳолларда ёнғинни ўчириш ва одамларни қўтқариш жараёнида хонадонлардаги, айниқса, кўп қаватли уйлар деразалари ва эшикларига ўрнадишнинг лозимлиги таъкидланади. Аҳолига бундай химоя воситаларини фавқулодда вазиятларни инобатга олиб ўрнатиш лозимлиги тушутирилмоқда. Зеро, ёнғинни ўчиришдан қўра, унинг олдини олган афзал.

